

P. nr.656/16

**NË EMËR TË POPULLIT**

**GJYKATA THEMELORE NË GJAKOVË-Departamenti i Përgjithshëm** , Gjyqtarja **Iirjana Hoti**, me sekretaren juridike Flutur Nagavci, në çështjen penale kundër të akuzuarit E. Z. nga Gjakova , për shkak të veprës penale të vjedhjes së shërbimeve komunale nga neni 320 të KPRK-së, sipas aktakuzës së Prokurorisë Themelore –DP në Gjakovë, PP nr. 1365/16 dt. 25.10.2016, në shqyrtimin gjyqësor fillestar, të mbajtur më datë **08.02.2017**, në prani të Prokurorit së shtetit Xhavit Osmani dhe të akuzuarit, të njëjtën ditë mori dhe publikisht shpalli këtë:

**A K T G J Y K I M**

I akuzuari **E. Z.** nga Gjakova ,i biri i M. dhe i nënës S. e gjinisë G., i lindur me dt..., ka te kryer shkollën e larte , pensionist ,i gjendjes se dobët ekonomike , shqiptar ,shtetas i R. Kosovës , i martuar at i 2 fëmije.

**Ë s h t ë f a j t o r****Sepse :**

- Ndërmjet datës së pavërtetuar e gjerë me dt. 07.12.2015, në shtëpinë e tij Rr” M. Sh.“ Gjakovë, me qëllim që ti sjell vetit pasuri në mënyrë të kundërligjshme , ka shfrytëzuar ne mënyrë te paautorizuar energjinë elektrike ne atë mënyrë qe gjate kontrollit është konstatuar se njehsori elektrik me nr.6064645, pllombat shtetërore i ka manipuluar duke i hapur dhe mbyllur prapë, numëruesi i njehsorit është manipuluar, ka gjurmë të gërvishtjes së numërorit shifra e dytë nr.8.0.1. shifra e tretë nr.6.7, shifra e pestë nr.6.9 në T1, ashtu me këtë veprim ka penguar regjistrimin e saktë të energjisë elektrike të shpenzuar, gjendje kjo e konstatuar nga personat e autorizuar te KEDS-it ,Distrikti ne Gjakovë , me çka te dëmtuarës i ka shkaktuar dem ne vlere prej 173.10 euro .

**-me çka ka kryer veprën penale të vjedhjes së shërbimeve komunale nga neni 320 të KPRK-së**

Andaj Gjykata në bazë te nenit 4,17,41,46,49,50,51,52 par.5, 73 ,neni 320 të KPRK-së dhe nenit 365 të KPP, të akuzuarit i shqipton :

**DENIM ME KUSHT**

Dënim me burgim ne kohëzgjatje prej 3(tre ) muajve dhe dënim me gjobë ne shumë prej 100.00 (njëqind) euro, të cilat dënime nuk do te ekzekutohen nëse i akuzuari brenda kohës se verifikimit ne afatin prej 1 (një) viti, nuk kryen ndonjë vepër tjetër penale.

E dëmtuara KEDS-Distrikti ne Gjakovë, për realizimin e kërkesës pasurore juridike udhëzohet ne kontest civil.

I akuzuari obligohet që në emër të paushallit gjyqësor të paguaj shumën prej **20 ,00 €**, në afat prej **15 ditëve**, pasi që Aktgjykimi të merr formë të prerë, nën kërcënim të përmbarimit me dhunë.

## A r s y e t i m

Prokuroria Themelore në Gjakovë, me aktakuzën PP nr. 1365/16 dt. 25.10.2016, e ka akuzuar të akuzuarin E.Z. nga Gjakovë, për shkak të veprës penale të vjedhjes së shërbimeve komunale nga neni 320 të KPRK-së.

Prokurori i shtetit Xhavit Osmani , në shqyrtimin fillestar me dt.08.02.2017, lexon aktakuzën, PP.nr. 1365/16 dt. 25.10.2016, dhe deklaroj që të mbetet në tërësi pran aktakuzës.

I akuzuari E. Z., gjate shqyrtimin fillestar duke u deklaruar lidhur me fajësinë thekson se e pranon ne tërësi fajësinë sipas aktakuzës me te cilën pandehet duke i ditur edhe me parë pasojat e pranimi te fajësisë dhe atë në mënyrë vullnetare dhe pa presion, me qene se një gjendje e tillë është konstatuar nga punëtorët e KEDS-it, në njehsorin të cilin e shfrytëzoi i cili ka qenë i vjetër të cilin e shfrytëzojë qe 35 vite , andaj i propozoi gjykatës qe duke marr parasysh rrethanat lehtësuese si pranimi i fajësisë, gjendjen e varfër ekonomike, pendimi i shprehur ne gjykate për veprën e kryer , premtimi se ne te ardhmen nuk do te kryej vepra te tilla si dhe faktin se është hera e pare qe kam ra ne ndesh me ligjin te me shqiptojë një dënim me te butë.

Ne shqyrtimin fillestar gjykata ka vërtetuar këtë gjendje faktike:

Në tërësi u vërtetua se i akuzuari E. Z.: ndërmjet datës së pavërtetuar e gjerë me dt. 07.12.2015 , në shtëpinë e tij Rr” M. Sh.“ Gjakovë, me qëllim që ti sjell vetit pasuri në mënyrë të kundërligjshme, ka shfrytëzuar ne mënyrë te paautorizuar energjinë elektrike ne atë mënyrë qe gjate kontrollit është konstatuar se njehsori elektrik me nr.6064645, pllombat shtetërore i ka manipuluar duke i hapur dhe mbyllur prapë, numëruesi i njehsorit është manipuluar, ka gjurmë të gërvishtjes së numërorit shifra e dytë nr.8.0.1. shifra e tretë nr.6.7, shifra e pestë nr.6.9 në T1, ashtu me këtë veprim ka penguar regjistrimin e saktë të energjisë elektrike të shpenzuar, gjendje kjo e konstatuar nga personat e autorizuar te KEDS-it ,Distrikti ne Gjakovë ,me çka te dëmtuarës i ka shkaktuar dem ne vlere prej 173.10 euro .

Gjykata gjendjen e këtyllë faktike e ka vërtetuar nga vet pranimi i fajësisë nga i akuzuari i cili ne shqyrtimin fillestar vullnetarisht ka pranuar fajësinë ,për shkak te se cilës gjykata nuk ka administruar provat ,gjykata ka ardhur ne përfundim se pranimi i fajësisë nga i akuzuari është bere ne pajtim me nenin 248 te KPPK-ës. Gjate pranimi te fajësisë gjyqtari i vetëm gjykues konstatojë se i akuzuari ka kuptuar natyrën dhe pasojat e pranimi te fajësisë, pranimi është bere vullnetarisht nga i akuzuari, pranimi i fajësisë mbështetet ne faktet dhe provat qe i përmban aktakuza ,ne materialet e prezantuara nga prokurori i shtetit dhe çdo provë tjetër dhe se aktakuza nuk përmban asnjë shkelje te qarte ligjore ose gabime faktike.

Gjykata nga te cekurat me lartë ka ardhur ne përfundim se ne veprimet e te akuzuarit formohen te gjitha elementet e veprës penale te përshkruara si ne dispozitiv te këtij aktgjykimi dhe për këtë ka vendosur qe te akuzuarin ta shpalle fajtor dhe ta gjykojë ne bazë te ligjit, me pare duke vërtetuar përgjegjësisë penale juridike te tij.

Me rastin e matjes së dënimit ,gjykata ka pasur parasysh të gjitha rrethanat nga neni 73 të KPRK-së, të cilat ndikojnë në zbutjen apo ashpërsimin e dënimit. Rrethana rënduese nuk gjeti ndërsa si rrethana lehtësuese gjykata ka marrë parasysh personalitetin e të akuzuarit se është baba i 2 fëmijëve, pranimin e vullnetshëm të fajësisë nga i akuzuari , sjelljen korrekte të akuzuarit në gjykim ,pendimin e tij për veprën e kryer , premtimin se ne te ardhmen nuk do te kryej veprat e tilla, gjendjen e dobët ekonomike si dhe faktin se i akuzuari më parë nuk ka qene i dënuar, të cilat rrethana ndikuan që Gjykata ti zbatoi dispozitat e zbutjes së dënimit të parapara me nenin 75 të KPRK-së Gjykata të akuzuarit i shqiptoi dënim me burg ne kohëzgjatje prej 3(tre) muajve dhe dënim me gjobë prej 100.00(njëqind ) euro të cilat dënime nuk do të ekzekutohen nëse i akuzuari në afatin prej 1(një) viti te mos kryej ndonjë vepër tjetër penale, me bindje

se edhe me këtë dënim do të arrihet qëllimi i dënimit i paraparë nga neni 41 dhe 50 të KPRK-së dhe ky dënim i tillë i shqiptuar sipas bindjes së gjykatës është në proporcion me veprën penale të kryer dhe me rrethanat personale të cilat i posedon i akuzuari.

Vendimi për udhëzimin e palës së dëmtuar në kontest civil për realizimin e kërkesës pasurore juridike, është marr komfor neni 463 par. 2 të KPPK-së ,pasi qe gjykata gjate shqyrtimit gjyqësor nuk ka mundur te saktësoje lartësinë e demit qe i akuzuari ia ka shkaktuar te dëmtuarit me qe nuk ka asnjë ekspertizë apo konstatim për lartësinë e demit te shkaktuar.

Vendimi mbi shpenzimet e procedurës penale dhe paushalli gjyqësor bazohet në dispozitat e neni 450 par.1dhe 2 nën paragrafi 2.6 te KPPK-së.

Nga sa u tha më lartë u vendos si në dispozitiv të këtij Aktgjykimi .

**GJYKATA THEMELORE NË GJAKOVË,  
P. nr.656/16 më datë 08.02.2017.**

**Sekretarja juridike,  
Flutur Nagavci**

**Gj y q t a r j a,  
Ilirjana Hoti**

**KËSHILLA JURIDIKE:** Kundër këtij Aktgjykimi mund të paraqitet ankesë ,në afatin prej **15 ditësh** ,nga dita e marrjes se tij ne dorëzim ,Gjykatës se Apelit ne Prishtinë. Ankesa në kopje të mjaftueshme i dorëzohet kësaj Gjykate.